

七十二家集

陳思王集卷之四

魏陳思王曹植子建著

詩

上責躬詩

於穆顯考時惟武皇受命于天寧濟四方朱旗
所拂九土披懷玄化滂流荒服來王超商越周
與唐比蹤篤生我皇奕世載聰武則肅烈文則
時雍受禪于魏志漢君臨萬邦萬邦既化率由
舊則廣命懿親以藩王國帝曰爾侯君茲青土

魏志
作炎

奄有海濱方周于魯車服有輝旗章有叙濟濟
雋父我弼我輔伊予小子恃寵驕盈舉其時綱
動亂國經作藩作屏先軌是隳倣我皇使犯我
朝儀國有典刑我劓我紕一作黜將寘于理元兇
是率明明天子時惟篤類一作時類不忍我刑暴
之朝肆違彼執憲哀予小臣一作子改封兗邑于
河之濱股肱弗置有君無臣荒淫之闕誰弼予
身煢煢僕夫于彼冀方嗟予小子乃罹斯殃赫
赫天子恩不遺物冠我玄冕要我朱紱光光大

一作天使我榮我華剖符授王一作王爵是加仰

齒金璽俯執聖策皇恩過隆祗承休惕咨我小

子頑兇是嬰逝慙陵墓存愧闕庭匪敢倣德實

恩是恃威靈改加足以沒齒昊天罔極生魏志作性

命不圖常懼顛沛抱罪黃墟願蒙矢石建旗東

嶽庶立毫釐微功自贖危軀授命知足免戾甘

赴江湘奮戈吳越天啟其衷得會京畿遲奉聖

顏如渴如饑心之云慕愴矣其悲天高聽卑皇

官照微

應詔詩

肅承明詔應會皇都星陳夙駕秣馬脂車命彼
堂徒肅我征旅朝發鸞臺夕宿蘭渚芒芒原隰
祁祁士女經彼公田樂我稷黍爰有慘冰重陰
匪息雖有餽糧饑不遑食望城不過面邑不游
僕夫警策平路是由玄駟藹藹揚鉤漂沫流風
翼衡輕雲承蓋涉澗之濱緣山之隈遵彼河滸
黃坂是階西躋關谷或降或升駢駢倦路載寢
載興將朝聖皇匪敢晏寧弭節長驚指日遄征

前驅舉燧後乘抗旗輸不輟
還鑾無廢聲爰暨帝室稅
此西墉嘉詔未賜朝覲
莫從仰瞻城闕俯惟闕
庭長懷永慕憂心如醒

朔風詩

仰彼朔風用懷魏都願騁代馬
倏忽北徂凱風未至思彼蠻方
願隨越鳥翻飛南翔四氣代謝
懸景運周別如俯仰腕若三秋
昔我初遷朱華未晞今我旋止
素雪云飛

俯降千仞仰登天阻風飄蓬飛
載離寒暑千仞

易陟天阻可越昔我同袍今永乖別

子好芳草豈忘爾貽繁華將茂秋霜悴之君不

垂眷豈云其誠秋蘭可喻桂樹冬榮

絃歌蕩思誰與銷憂臨川慕思何爲泛舟豈無

和樂游非我隣誰忘泛舟愧無榜人

矯志詩

芝桂雖芳

今本作芳
樹雖香

難以餌烹尸位素餐難以

成名磁石引鐵於金不連大朝舉士愚不聞焉

抱壁塗乞無爲貴寶履仁違禍無爲貴道鴛雛

遠害不羞卑棲靈虬避難不耻汚泥都族雖甘
杖之必折巧言雖美用之必滅濟濟唐朝萬邦
作孚逢蒙雖巧必得良弓聖藝文作賢主雖知必得
亦待藝文作英雄螳螂見歎齊士輕戰越王軾蛙國
以死獻道遠知驥世僞知賢覆之幬之順天之
矩澤如凱風惠如時雨口爲禁闥舌爲發機門
機之闔楛矢不追

元會詩

初歲元祚吉日惟良乃爲嘉會宴此高堂衣裳

鮮縈黼黻玄黃珍膳雜遯充盈圓方俯視文軒

仰瞻華梁願保茲善一作喜千載爲常歡笑盡娛

樂哉未央皇室一作家榮貴壽考無疆

閨情

有美一人被服纖羅妖姿艷麗翁若春華紅顏
韡韡雲髻嗟峨彈琴撫節爲我絃歌清濁齊均
既亮且和取樂今日遑恤其他

公宴詩

公子敬愛客終宴不知疲清夜遊西園飛蓋相

追隨明月澄清影列宿正參差秋籟被長坂朱
華冒綠池潛魚躍清波好鳥鳴高枝神飈接丹
轂輕輦隨風移飄飄放志意千秋長若斯

侍太子坐

白日曜青春時雨靜飛塵寒水辟炎景

一作涼氣

風飄我身清醴盈金觴餽饌縱橫陳齊人進奇

一作嘉

樂歌者出西秦翩翩我公子機巧忽若神

贈徐幹

驚風飄白日忽然歸西山圓景光未滿衆星粲

以繁志士營世業小人亦不閒聊且夜行游游
彼雙闕間文昌鬱雲興迎風高中天春鳩鳴飛
棟流猷激櫺軒顧念蓬室士貧賤誠足憐薇藿
弗克虛皮褐猶不全慷慨有悲心興文自成篇
寶棄怨何人和氏有其愆彈冠候知己知己誰
不然良田無晚歲膏澤多豐年亮懷璠璣美積
久德愈宣親交義在敦申章後何言

贈丁儀

初秋涼氣發庭樹微銷落凝霜依玉除清風飄

飛閣朝雲不歸山霖雨成川澤黍稷委時隴農
夫安所穫在貴多忘賤爲恩誰能博狐白足禦
冬焉念無衣客思慕延陵子寶劍非所惜子其
寧爾心親交義不薄

贈王粲

端坐苦愁思攬衣起西游樹木發春華清池激
長流中有孤鴛鴦哀鳴求匹儔我願執此鳥惜
哉無輕舟欲歸忘故道顧望但懷愁悲風鳴我
側義和逝不留重陰潤萬物何懼澤不周誰令

君多念自使懷百憂

又贈丁儀王粲

從軍度函谷驅馬過西京山岑高無極涇渭揚
濁清壯哉帝王居佳麗殊百城員闕出浮雲承
露槃泰清皇佐揚天惠四海無交兵權家雖愛
勝全國爲令名君子在末位不能歌德聲丁生
怨在朝王子歡自營歡怨非貞則中和誠可經

贈丁翼

嘉賓填城闕豐膳出中厨吾與二三子曲宴此

城隅秦箏發西氣齊瑟揚東謳看來不虛歸觴
至反無餘我豈異人朋友與我俱大國多良
材譬海出明珠君子義休恃小人德無儲積善
有餘慶榮枯立可須滔蕩固大節時俗多所拘
君子通大道無願爲世儒

贈白馬王彪

有序

黃初四年正月白馬王任城王與余俱朝京師
會節氣到洛陽任城王薨至七月與白馬王還
國後有司以二王歸蕃道路宜異宿止意毒恨

之蓋以大別在數日是用自剖與王辭焉憤而
成篇

謁帝承明廬逝將歸舊疆清晨發皇邑日夕過

首陽伊洛廣

一作曠

且深欲濟川無梁汎舟越洪

濤怨彼東路長顧瞻戀城闕引領情內傷

太谷何寥廓山樹鬱蒼蒼霖雨泥我塗流潦浩

縱橫中逵絕無軌改轍登高岡修坂造雲日我

馬玄以黃

玄黃猶能進我思鬱以紆鬱紆將何念

今本作難進

親愛在離居本圖相與偕中更不克快臨臬鳴
衙輓豺狼當路衢蒼蠅聞白黑讒巧又作今人親
疎欲還絕無蹊攬轡止踟躕

踟躕亦何留相思無終極秋風發微涼寒蟬鳴
我側原野何蕭條白日忽西匿歸鳥赴喬林翩
翩厲羽翼孤獸走索羣衙草不遑食感物傷我
懷撫心長太

魏志
作歎息

太息將何爲天命與我違奈何念同生一往形
不歸孤魂翔故域靈柩寄京師存者忽復

一作

過亡沒身自衰人生處一世去若朝露晞年在
桑榆間影響不能追自顧非金石咄咄志作今
心悲

心悲動我神棄置莫復陳丈夫志四海萬里猶
比隣恩愛苟不虧在遠分日親何必同衾幃然
後展殷勤憂思成疾疢無乃兒女仁倉卒骨肉
情能不懷苦辛

苦辛何慮思天命信可疑虛無求列仙松子久
吾欺變故在斯須百年誰能持離別永無會執

手將何時王其愛玉體俱享黃髮期收淚卽長
路志作塗援筆從此辭

送應氏詩二首

步登北邙阪遙望洛陽山洛陽何寂寞宮室盡
燒焚垣墻皆頽擗荆棘上參天不見舊耆老但
覩新少年側足無行徑荒疇不復田游子久不
歸不識陌與阡中野何蕭條千里無人煙念我
平常居一作平生親氣結不能言

清時難屢得嘉會不可常天地無終極人命若

朝霜願得展嫵婉我友之朔方親昵並集送置
酒此河陽中饋豈獨薄賓飲不盡觴愛至望若
深豈不愧中腸山川阻且遠別促會日長願爲
比翼鳥施翮起高翔

三良詩

功名不可爲忠義我所安秦穆先下世三臣皆
自殘生時等榮樂旣沒同憂患誰言捐軀易殺
身誠獨難攬涕登君墓臨穴仰天歎長夜何冥
冥一往不復還黃鳥爲悲鳴哀哉傷肺肝

遊仙詩

人生不滿百戚戚

一作戚戚

少歡娛意欲奮六翮排

霧凌紫虛蹕蛻同松喬翻跡登崑湖翱翔九天

上騁轡遠行遊東觀扶桑曜西臨弱水流北極

玄天

一作登玄

渚南翔陟丹丘

雜詩七首

高臺多悲風朝日照北林之子在萬里江湖迥
且深万舟安可極離思故難任孤鴈飛南游過
庭長哀吟翹思慕遠人願欲托遺音形影忽不

見翩翩傷我心

轉蓬離本根飄飄隨長風何意迴飈舉吹我入
雲中高高上無極天路安可窮類此游客一作流客
子捐軀遠從戎毛褐不掩形薇藿常不充去去
莫後道沈憂令人老

西北有織婦綺縞何續紛明晨秉機杼日晏不
成文太息終長夜悲嘯入青雲妾身守空閨良
人行從軍自期三年歸今已歷九春飛鳥遶樹
嚙嚙嗷嗷鳴索羣願爲南流景馳光見我君

南國有佳人容華若桃李朝游江北岸夕宿瀟湘
汜時俗薄朱顏誰爲發皓齒俛一作俯俛歲將暮榮
耀難久恃

僕夫早嚴駕吾將遠行游遠游欲何之吳國爲
我仇將騁萬里途東路安足由江介多悲風淮
泗馳急流願欲一輕濟惜哉無方舟閒居非吾
志甘心赴國憂

飛觀百餘尺臨牖御櫺軒遠望周千里朝夕見
平原烈士多悲心小人媮自閒國雠亮不塞甘

心思喪元拊劒西南望思欲赴太山絃急悲聲
發聆我懷慨言

攬衣出中閨迢迢步兩楹閒房何寂寞綠草被
堦庭空室一作自生風百鳥翩南征春思安可

忘憂戚與我并佳人在遠道妾身單且煢歡會
難再遇芝蘭不重榮人皆棄舊愛君豈若平生
寄松爲女蘿依水知浮萍齋身奉衿帶朝夕不

墮傾儻終顧盼恩一作儻能終顧盼永副我中情

七哀詩玉臺作雜詩樂府作怨歌行本辭

明月照高樓流光正徘徊上有愁思婦悲歎有
餘哀借問歎者誰言是客子妻君行踰十年孤
妾常獨樓君若清路塵妾若濁水泥浮沈各異
勢會合何時諸願爲西南風長逝入君懷君懷
良不開賤妾當何依

情詩

玉臺作
雜詩

微陰翳陽景清風飄我衣遊魚潛綠水翔鳥薄
天飛眇眇客行士遙役不得歸始出嚴霜結今
來白露晞遊子歎黍離處者歌式微慷慨對嘉

賀悽愴內傷悲

喜雨詩

天覆何彌廣苞育此羣生棄之必憔悴惠之則
滋榮慶雲從北來鬱迭西南征時雨中夜降長
雷周我庭嘉種盈膏壤登秋畢有成

雙鶴

雙鶴俱遨遊相失東海傍雄飛竄北朔雌驚赴
南湘棄我交頸歡離別各異方不惜萬里道但
恐天網張

七步詩

世說新語曰文帝嘗令東宮王七步中作詩不成者行大法應聲便為詩

煮豆持作羹漉豉以為汁其在金中然豆在金

中泣本是同根生相煎何太急一作煮豆燃豆其豆在金中泣

本是同根生相煎何太急

離友詩二首

鄉人有裴侯威者少有成入之風余尚其為人
與之昵好王師振旅送余於魏邦心有眷然為
之隕涕乃作離友之詩其辭曰

王旅遊兮背故鄉
彼君子兮篤人綱
勝余行兮歸朔方
馳原隰兮尋舊疆
車一作我車載奔兮馬繁
驤涉浮濟兮泛輕航
迄魏都兮息蘭房
展宴好兮惟樂康

涼風肅兮白露滋
本感氣兮條葉辭
臨淶水兮登重基
折秋華兮采靈芝
尋永歸兮贈所思
感離隔兮會無期
伊鬱悵兮情不怡
舊集止載前一首今考藝文附人○初學記載二句云自匪景今天微陰經迥路兮造北林當別有一首也

妬詩

嗟爾同念留不是志寧彼治客安此茹息

髑髏詩

牢落冥冥與道相駢隱然長寢其樂無踰

芙蓉池

逍遙芙蓉池翩翩戲輕舟南楊樓雙鶴北柳有

鳴鳩

言志

慶雲未時興雲龍潛作魚神鸞失其儔還從燕

雀居

雜詩

悠悠遠行客去家千餘里出亦無所之入亦無所止浮雲翳日光悲風動地起

詠牛詩

魏文帝嘗與陳思王植同輦出遊逢見兩牛在轡問曰一牛不如墜井而死詔令賦詠牛詩不得道是牛亦不得云是井不得言其謁不得言其死走馬百步令成四十言子建策馬而馳賦成步猶未竟

兩肉齊道行頭上戴橫骨行至凶土頭嶧起相唐突一敵不俱剛一肉卧土窟非是力不如盛

意不得洩

此詩教左平所
非子建筆始附錄

騷

九詠

芙蓉車公桂衡結萍蓋公翠旌駟蒼虬公翼轂
駕陵魚公驂鯨茵薦公蘭席蕙幃公苓牀抗南
箕公鰈璫藥杷天河公絳玉觴靈旣降公泊靜
默登文階公坐紫房服春榮公猗靡雲裾繞公
容裔冠北辰公岌峩帶長虹公陵厲蘭肴御公
玉俎陳雅音奏公文虞羅感漢廣公羨游女揚
激楚公詠湘娥臨廻風公浮漢渚目牽牛公眺

織女交有際兮會有期嗟痛吾兮來不時來無
見兮進無聞泣下雨兮歎成雲先後悔其靡及
冀后王之一悟猶擗轡而繁策馳覆車之危路
辟衆舟而無楫將何川而能度何世俗之蒙昧
悼邦國之未靜焚椒蘭其望治由倒裳而求領
尋湘漢之長流採芳岸之靈芝遇遊女於水裔
採菱花而結詞野蕭條以極望曠千里而無人
民生期於必死何自苦以終身寧作清水之沉
泥不爲濁路之飛塵

陳思王集卷之五

魏陳思王曹植子建著

令

黃初五年令

夫遠不可知者天也近不可知者人也傳曰知人則哲堯猶病諸諺曰人心不同若其面焉唯女子與小人爲難養也近之則不遜遠之則有怨詩云憂心悄悄愠于羣小自世間人或受寵而背恩或無故而入叛違顧左右曠然無信大

嚼者昨斷其舌右手執斧左手執鉞傷夷一身
之中尚有不可信況於人乎唯無深瑕潛釁隱
過匿愆乃可以爲人諺曰殺千駑不如養一驢
又曰殺駑養虎大無益也乃知韓昭侯之弊袴
良有以也使臣有三品有可以仁義化者有可
以恩惠驅者不足以導之則當以刑罰使之刑
罰復不足以率之則明主所不竒故唐堯至仁
不能容無益之子湯武至聖不能養無益之臣
九折臂知爲良醫吾知所以待下矣諸吏各歛

爾在位推一繫之平功之宜賞於疏必與罪之
宜戮在親不赦此令之行有若皎日於戲群臣
其覽之哉

黃初六年令

身輕於鴻毛而謗重於泰山賴蒙帝王天地之
仁違百司之典議舍三千之首戾反我舊居襲
我初服雲雨之施焉有量哉孤以何功而納斯
凱富而不悛寵至不驕者則周公其人也孤小
人爾身更以榮爲戚何者將恐簡易之尤出於
細微脫爾之愆一朝復露也故欲脩吾往業守
吾初志欲使皇帝恩在靡天使孤心常存此地
將以全陛下厚德寃孤犬馬之年此難能也然

固欲行衆之難詩曰德輶如毛鮮克舉之此之謂也

爲灌均上事令

孤前令寫灌均所上孤章三疊九府所奏事及
詔書一通置之座隅孤欲朝夕諷誦以自勵誠

表

求自試表

臣植言臣聞士之生世入則事父出則事君事
父尚於榮親事君貴於興國故慈父不能愛無
益之子仁君不能畜無用之臣夫論德而授官
者成功之君也量能而授爵者畢命之臣也故
君無虛授臣無虛受虛授謂之謬舉虛受謂之
尸祿詩之素餐所由作也昔二虢不辭兩國之
任其德厚也且與不讓燕魯之封其功大也今

臣蒙國重恩三世于今矣正值陛下升平之際
沐浴聖澤潛潤德教可謂厚幸矣而位竊東藩
爵在上列身被輕煖口厭百味目極華靡耳倦
絲竹者爵重祿厚之所致也退念古之受爵祿
者有異于此皆以攻勤濟國輔主惠民今臣無
德可述無功可紀若此終年無益國朝將挂風
人彼已之譏是以以上慙玄覽俯愧朱紱方今天
下一統九州晏如顧西尚有違命之蜀東有不
臣之吳使邊境未得梳甲誅士未得高枕者誠

欲混同宇內以致太和也故啟滅有扈而夏功
昭成克商奄而周德著今陛下以聖明統世將
欲卒文武之功繼成康之隆簡良授能以方叔
召虎之臣鎮衛四境爲國爪牙者可謂當矣然
而高鳥未挂於輕繳淵魚未懸於鈎餌者恐釣
圉之術或未盡也昔耿弇不俟光武亟擊張步
言不以賊遺於君父也故事右伏劒於明轂雍
門刎首於齊境若此二子豈惡生而尚死哉誠
忿其慢主而凌君也夫君之寵臣欲以除患興

利臣之事君必殺身靜亂以功報主也昔賈誼
弱冠求試屬國請係單于之頸而制其命終軍
以妙年使越欲得長纓占其王羈致北闕此二
臣者豈好爲夸主而曜世俗哉志或鬱結欲逞
其才力輸能於明君也昔漢武爲霍去病治第
辭曰匈奴未滅臣無以家爲夫憂國忘家捐軀
濟難忠臣之志也今臣居外非不厚也而寢不
安席食不遑味者以二方未尅爲念伏見先帝
武臣宿兵年耆卽世者有聞矣雖賢不乏世宿

將舊卒由習戰也竊不自量志在效命庶立毛
髮之功以報所受之恩若使陛下出不世之詔
旌臣錐刀之用使得西屬大將軍當一校之隊
若東屬大司馬統偏師之任必乘危蹈險騁舟
奮驪突刃觸鋒爲士卒先雖未能擒權馘亮庶
將虜其雄率殲其醜類必效滇臯之捷以滅終
身之愧使名挂史筆事列朝榮雖身分蜀境首
懸吳闕猶生之年也如微才弗試沒世無聞徒
榮其軀而豐其體生無益於事死無損於數虛

荷上位而忝重祿禽息鳥視終於白首此徒罔
牢之養物非臣之所志也流聞東軍失備師徒
小衄輟食棄餐奮袂攘袵撫劍東顧而心已馳
於吳會矣臣昔從先武皇帝南極赤岸東臨滄
海西望玉門北出玄塞伏見所以行師用兵之
勢可謂神妙矣故兵者不可豫言臨難而制變
者也志欲自効於明時立功於聖世每覽史籍
觀古忠臣義士出一朝之命以徇國家之難身
雖屠裂而功銘著於景鍾名稱垂於竹帛未嘗

不撫心而歎息也臣聞明主使臣不廢有罪故
奔北敗軍之將用而秦魯以成其功絕纓盜馬
之臣赦而楚趙以濟其難臣竊感先帝早崩威
主棄世臣獨何人以堪長久常恐先朝露填溝
壑墳土未乾而身名並滅臣聞騏驎長鳴伯樂
昭其能盧狗悲號韓國知其才是以效之齊楚
之路以還千里之任試之狡兔之捷以驗搏噬
之用今臣志狗馬之微功竊自惟度終無伯樂
韓國之舉是以於悒而竊自痛者也夫臨博而

企竦聞樂而竊抃者或有賞音而識道也昔毛
遂趙之陪隸猶假錐囊之喻以寤王立功何況
巍巍大魏多士之朝而無慷慨死難之臣乎夫
自銜自媒者士女之醜行也于時求進者道家
之明忌也而臣敢陳聞於陛下者誠與國分形
同氣憂患共之者也冀以塵霧之微補益山海
螢燭末光增輝日月是以敢冒其醜而獻其忠
必知爲朝士所笑聖主不以人廢言伏惟陛下
少垂神聽臣則幸矣

求通親親表

臣植言臣聞天稱其高者以無不覆地稱其廣者以無不載日月稱其明者以無不照江海稱其大者以無不容故孔子曰大哉堯之爲君惟天爲大惟堯則之夫天德於萬物可謂弘廣矣蓋堯之爲教先親後疎自近及遠其傳曰克明峻德以親九族九族旣睦平章百姓及周之文王亦崇厥化其詩曰刑于寡妻至于兄弟以御于家邦是以雍雍穆穆風人詠之昔周公弔管

蔡之不成廣封懿親以藩屏王室傳曰周之宗盟異姓爲後誠骨肉之恩爽而不離親親之義寔在敦固未有義而後其君仁而遺其親者也惟陛下資帝唐欽明之德體文王翼翼之仁惠洽椒房恩昭九族群臣百僚番休遞上執政不廢於公朝下情得展於私室親理之路通慶弔之情展誠可謂恕已治人推惠施恩者矣至於臣者人道絕緒禁錮明時臣竊自傷也不敢乃望交氣顙脩人事叙人倫近且婚媾不通兄弟

求絕吉凶之間塞慶弔之禮廢恩紀之違甚於
路人隔閼之異殊於胡越今臣以一切之制求
無朝覲之望至於汪心皇極結情紫闥神明知
之夷然天實爲之謂之何哉退省諸王常有戚
戚具爾之心願陛下沛然垂詔使諸國慶問四
節得展以叙骨肉之歡恩全怡怡之篤義妃妾
之家膏沐之遺歲得再通齊義於貴宗等惠於
百司如此則古人之所歎風雅之所詠復存於
聖世矣臣伏自惟省無錐刀之用及觀陛下之

所拔授若以臣爲異姓竊自料度不後於朝士
矣若得辭遠遊戴武弁解朱組佩青紱駙馬奏
車趣得一號安宅京室執鞭珥筆出從華蓋入
侍輦轂承答聖問拾遺左右乃臣丹情之至願
不離於夢想者也遠慕鹿鳴君臣之宴中詠棠
棣匪他之誠下思伐木友生之義終懷蓼莪罔
極之哀每四節之會塊然獨處左右唯僕隸所
對惟妻子高談無所與陳發義無所與展未嘗
不聞樂而拊心臨觴而歎息也臣伏以爲犬馬

之誠不能動人譬人之誠不能動天崩城隕霜
臣初信之以臣心况徒虛語耳若葵藿之傾
太陽雖不爲之迴光然終向之者誠也臣竊自
比葵藿若降天地之施垂三光之明者是在陛
下臣聞文子曰不爲福始不爲禍先今之否隔
友于同憂而臣獨唱言者何也竊不願於聖代
使有不蒙施之物有不蒙施之物必有慘毒之
懷故栢舟有天只之怨谷風有棄予之歎伊尹
耻其君不爲堯舜孟子曰不以舜之所以事堯

事其君者不敬其君者也臣之愚蔽固非虞伊
至於欲使陛下崇光被時雍之美宣緝熙章明
之德者是臣悽悽之誠竊所獨守寔懷鶴立企
佇之心敢復陳聞者冀陛下儻發天聰而垂神
聽也

陳審舉表

臣聞天地協氣而萬物生君臣合德而庶政成
五帝之世非皆智三季之末非皆愚用與不用
知與不知也旣時有舉賢之名而無得賢之實
必各援其類而進矣諺曰相門有相將門有將
夫相者文德昭者也將者武功烈者也文德昭
則可以匡國朝致雍熙稷契夔龍是也武功烈
則可以征不庭威四夷南仲方叔是矣昔伊尹
之爲勝臣至賤也呂尚之處屠釣至陋也及其

見舉於湯武周文誠道合志同玄謨神通豈復
假近習之薦因左右之介哉書曰有不世之君
必能用不世之臣用不世之臣必能立不世之
功殷周二王是矣若夫齷齪近步遵常守故安
足爲陛下言哉故陰陽不和三光不暢官曠無
人庶政不整者三司之責也疆場騷動方隅內
侵沒軍喪衆干戈不息者邊將之憂也豈可虛
荷國寵而不稱其任哉故任益隆者負益重位
益高者責益深書稱無曠庶官詩有職思其憂

此其義也陛下體天真之聖登神機以繼統
冀聞康哉之謠偃武行文之美而數年以來水
旱不時民困衣食師徒之發歲歲增調加東瀆
覆敗之軍西有殫沒之將至使蚌蛤浮翔於淮
泗鼪鼯謹譁於林木臣每念之未嘗不輟食而
揮餐臨觴而檻腕矣昔漢文發代疑朝有變宋
昌曰內有朱虛東牟之親外有齊楚淮南琅邪
此則盤石之宗願王勿疑臣伏惟陛下遠覽姬
文二虢之援中慮周成召畢之輔下存宋昌盤

之固昔騏驥之於吳阪可謂困矣及其伯樂相之孫鄕御之形體不勞而坐取千里蓋伯樂善御馬明君善御臣伯樂馳千里明君致太平誠任賢使能之明效也若朝司惟良萬機內理武將行師方難克弭陛下可得雍容都城何事勞動鑾駕暴露於邊境哉臣聞羊質虎皮見草則悅見豸則戰忘其皮之虎也今置將不良有似於此故語曰患爲之者不知知之者不得爲也昔樂毅奔趙心不忘燕廉頗在楚思爲趙將臣

生乎亂長乎軍又數承教于武皇帝伏見行師
用兵之要不必取孫吳而闇與之合竊揆之於
心常願得一奉朝覲排金門蹈玉陛列有職之
臣賜須臾之間使臣得一散所懷攄舒蘊積死
不恨矣被鴻臚所下發士息書期會甚急又聞
豹尾已建戎軒驚駕陛下將復勞玉躬擾挂神
思臣誠竦息不遑寧處願得策馬執鞭首當塵
露撮風后之奇接孫吳之要追慕卜商起予左
右效命先驅畢命輪轂雖無大益冀有小補然

天高聽遠情不上通徒獨望青雲而拊心仰高
天而歎息耳屈平曰國有騷而不知乘焉皇皇
而更索昔管蔡放誅周召作弼叔魚陷刑叔向
匡國三監之釁臣自當之二南之輔求不必遠
華宗貴族藩王之中必有應斯舉者故傳曰無
周公之親不得行周公之事唯陛下少留意焉
近者漢氏廣建藩王豐則連城數十約則饗食
祖祭而已未若姬周之樹國五等之品制也若
扶蘇之諫始皇淳于越之難周青臣可謂知時

變矣夫能使天下傾耳注目者常權者是矣故
謀能移主威能懾下豪右執政不在親戚權之
所在雖疏必重勢之所去雖親必輕蓋取齊者
田族非呂宗也分晉者趙魏非姬姓也惟陛下
察之苟吉專其位凶離其患者異姓之臣也欲
國之安祈家之貴存共其榮沒同其禍者公族
之臣也今反公族疏而異姓親臣竊惑焉臣聞
孟子曰君子窮則獨善其身達則兼善天下今
臣與陛下踐冰履炭登山浮澗寒溫燥濕高下

共之豈得離陛下哉不勝憤懣拜表陳情若有
不合乞且藏之書府不便滅棄臣死之後事或
可思若有豪釐少挂聖意者乞出之朝堂使夫
博古之士糾臣表之不合義者如是則臣願足
矣

諫取諸國士息表

臣聞古者聖君與日月齊其明照時等其信是以殷凶無重賞善無輕怒若驚霆若將雨恩不中絕教無二可以此臨朝則臣下知所死矣受任在萬里之外審主之所以受官必已之所以投命雖有構會之徒泊然不以爲懼者蓋君臣相信之明效也昔章子爲齊將人有告之反者威王曰不然左右曰王何以明之王曰聞章子改葬死毋彼尚不欺死父顧當叛生君乎此

君之信臣也昔管仲親射桓公後幽囚從魯檻車載使少年挽而送齊管仲知桓公之必用已懼魯之悔謂少年曰吾爲汝唱汝爲和聲和聲宜走於是管仲唱之少年走而和之日行數百里宿昔而至至則相齊此臣之信君也臣初受封策書曰植受茲青社封於東土以屏翰皇家爲魏藩輔而所得兵百五十人皆年在耳順或不踰矩虎賁官騎及親事凡二百餘人正復不老皆使年壯備有不虞檢校乘城顧不足以自

救况皆復耄耄罷曳乎而名爲魏東藩使屏翰
王室臣竊自羞矣就之諸國國有士子合不過
五百人伏以爲三軍益損不復賴此方外不定
必當須辦者臣願將部曲倍道奔赴夫妻負襁
子弟懷糧蹈鋒屨刃以徇國難何但習業小兒
哉愚誠以揮涕增河懸鼠飲海於朝萬無損益
於臣家計甚有廢損又臣士息前後三送兼人
已竭惟尚有小兒七八歲已上十六七已還三
十餘人今部曲皆年耆所在牀席非糜不食暇

不能視氣息裁屬者凡三十七人疲瘵風靡疣
盲聾瞖者二十三人惟正須此小兒大者可備
宿衛雖不足以禦寇粗可以警小盜小者未堪
大使爲可使耘鋤穢草驅護鳥雀休候人則一
事廢一日獵則衆業散不親自經營則功不攝
常自躬親不委下吏而已陛下聖仁恩詔三至
士子給國長不復發明詔之下有若皦日保金
石之恩必明神之信畫然自固如天如地定習
業者並復見送掩若晝晦悵然失圖伏以爲陛下

下旣爵臣百寮之右居藩國之任爲望卿士屋
名爲宮家名爲陵不使其危居獨立無異於凡
庶若栢成欣於野耕子仲樂於灌園蓬戸茅牖
原憲之宅也陋巷簞瓢顏子之居也臣才不見
效用常慨然執斯志焉若陛下聽臣悉還部曲
罷官屬省監官使解璽釋紱追栢成子仲之業
營顏淵原憲之事居子臧之廬宅延陵之室如
此雖進無成功退有可守身死之日猶松喬也
然伏度國朝終未肯聽臣之若是固當羈絆於

世繩維繫於祿位懷屑屑之小憂執無已之百
念安得蕩然肆志逍遙於宇宙之外哉此願未
從陛下必欲崇親親篤骨肉潤白骨而榮枯木
者惟遂仁德以副前恩

諫伐遼東表

臣伏以遼東負阻之國勢便形固帶以遼海今
輕車遠攻師疲力屈彼有其備所謂以逸待勞
以飽制饑者也以臣觀之誠未易攻也若國家
攻之而必克者襄平之城懸公孫之首得其地
不足以償中國之費虜其民不足以補三軍之
失是我所獲不如所喪也若其不拔曠日持久
暴師於野然天時不測水濕無常彼我之兵連
於城下進則有高城深池無所施其功退則有

歸途不通道路減淝東有待粟之吳西有伺隙之蜀吳起東南則荆楊騷動蜀應西境則雍涼三分兵不解於外民罷困于內促耕不解其饑疾蠶不救其寒夫渴而後甯井饑而後殖種可以圖遠難以應卒也臣以爲當今之務在於省徭役薄賦歛勤農桑三者旣備然後令伊管之臣得施其術孫吳之將得奮其力若此則太平之基可立而待康哉之歌可坐而聞曾何憂於二敵何懼於公孫乎今不息邦畿之內而勞神

於蠻貊之域竊爲陛下不取也